



Claudii Fleurii Abbatis Historia Ecclesiastica

Ab anno Christi 1561. usque ad annum 1562

Fleury, Claude

August. Vind. [u.a.], 1771

VD18 90118596

§. 55. Commendoni judicium de utroque hoc Doctore.

[urn:nbn:de:hbz:466:1-66624](https://nbn-resolving.de/urn:nbn:de:hbz:466:1-66624)

nam Synodum irent, ab Universitate Sæcul. XVI.
 fuissent nominati: cum autem de horum A.C. 1561.
 discessu, ac felici exitu dubitaret, hac
 super re ad Mantuanum Cardinalem
 Synodi Legatum perscribens eidem ex-
 posuit, quod non minus periculum exci-
 tet concedendus iisdem, quam dene-
 gandus ad Synodum accessus: data e-
 nim abeundi copia timendum, ne suos
 errores libere divulgant, novosque tu-
 multus præcipue in Germania concitent:
 repulsa autem facta, vix non certum,
 quod Protestantes inde contumaciæ suæ
 tegumentum sint accepturi, cauſſantes,
 nolle se interesse Concilio, in quo Docto-
 rum Catholicorum, qui eruditionis fa-
 ma clari sint, linguis frænum injiciatur.

§. LV.

*Commendoni judicium de utroque hoc
Doctore.*

His insuper addidit Nuntius: „Nolo qui-
 „dem infaustum præfigum de hu-
 „jusmodi viris præcinere, pestilentia
 „tamen graffante omnis morbus in con-
 „tagionem facile commigrat; nam com-
 „pertum mihi est, quod Ruardus Tap-
 „perus in theologicis disciplinis Lova-
 „nii præclarus, cum is in illa Academia
 „docens, in Bajo, & Hasselio, tum ad-
 „huc studiosis, & juvenibus infaustam
 „ingenii, & audaciæ conjunctionem ob-

Hist. Eccles. Tom XLIV.

G ser-

Sæcul. XVI. „servaret, solitus fuerit dicere, se non nisi
A.C. 1561. „schisma ab illis præstolari, & propterea
 „theologicam ipfis lauream concedere
 „distulisse, cum profecto viderentur scien-
 „tiæ suæ nimis amantes, quamvis alio-
 „qui probi, & modesti crederentur:
 „porro hæc illa verba sapienter usurpa-
 „vit, digna, quæ a nobis repetantur:
 „cum cujusque superbia in ea arte, quam
 „profitetur, sita est; insuper illis favent
 „plerique ex iis, qui theologiæ studium
 „absolverunt, & plures, ut vocant, Bac-
 „calaurei, necnon dimidia fere Docto-
 „rum pars, quorum aliqui contraria im-
 „buti doctrina ad novos Episcopatus, in
 „illis provinciis erectos, recens admo-
 „ti erant: remanserat idcirco Lovaniï
 „eorum factio, & eo validior, quod nume-
 „ro præstans, & fortasse infensa, quasi
 „posthabita. Bajus profitetur quidem
 „se Apostolicæ Sedi admodum obsequen-
 „tem, attamen ab aliqua ipsius voce
 „suspectus redditur: Alius etiam in A-
 „cademia antiquissimus Doctor erat, qui,
 „cum Bajum inviseret, lenissimam ad-
 „ipsum cohortationem habuit, ut omne
 „certamen præcideretur in ea Acadé-
 „mia, quæ columen Ecclesiæ dici pote-
 „rat, quam etiam admonitionem æqui,
 „bonique consulere videbatur, sed po-
 „stea scripsi ad illum Epistolam, in qua
 „ipsum

Sæcul. XVI.
A. C. 1561.

„ipsuin rogabam, ut sub obtentu suam
 „vindicandi innocentiam suas doctrinas
 „in examen adduci, ac de ipsis disputa-
 „tionem fieri permitteret: cum nol-
 „lem hunc Theologum seu refellen-
 „do exacerbare, seu laudando in sen-
 „tentia obfirmare, seu silendo penitus
 „a me alienum reddere quasi despectum, *Pallav. c. 7.*
 „attamen ipse excusaverat se apud eum, *n. 9.*
 „qui epistolam ei detulerat caussatus,
 „quod, cum extemplo inde discessurus
 „esset, responsum scripto remittere non
 „liceret, amicas tamen salutationes
 „suas ore tenus reddere vellet. ,,

*Raynald. ad
hunc ann. n. 4*

§. LVI.

Commendoni literæ ad Cardinalem Mantuanum de hisce Doctoribus.

Insuper Sedis Apostolicæ Nuntius ad Mantuanum Cardinalem perscripserat, quod tunc temporis colloquio fuerit usus cum Hesselio, opera Everardi Mercurini, qui tum Jesuitarum Provincialis erat, & postmodum S. Francisco Borgia circa annum millesimum quingentesimum septuagesimum tertium fatis functo supremus ejusdem Societatis Moderator evasit. „ In hoc colloquio inquebat Commendonus, de Hesselii probitate, ac eruditione haud mediocrem concepi existimationem: cum autem eidem grave detrimentum, quod

G 2 „ propter